



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De falso peregrino iusto Dei iudicio suspenso, dum vero peregrino furti
crimen impingeret, cap. 25.

urn:nbn:de:hbz:466:1-13177

vt secundum modum culpæ, formetur modus vindictæ. De quo tibi etiam pauca subiungam exempla.

CAPVT XXIV.

Quomodo quis peccat, eodem quoque non raro punitur.

CAnonicus quidam sancti Andreae in Colonia, sicut mihi retulit magister Reinerus eius canonicus, ad colligendam cuiusdam ecclesie decimam singulis annis mittere consuevit seruum suum, qui ante quoddam patibulum transiens, & hominem recenter in eo appensum adhuc palpitare cernens, misericordia motus, laqueum gladio incidit, atque allata aqua refocillauit. Qui resumptis viribus, mala pro bonis retribuens, ad proximam villam liberatorem suum secutus, in equi eius frenum manum misit, & quia eundem sibi vi abstulisset, vociferatus est. Mox homines circumquaque accurrentes, & de rapina frementes, sine audientia iuuenem ad idem patibulum, de quo fur fuerat depositus, duxerunt. Nondum erant homines alterius villae plenè reuersi, quia ad suspendium iam dicti furis confluerat; & ecce concursum ad patibulum, quod commune erat utrique villae, videntes nuntii Dei reuersi sunt, causam interrogantes, data est homini copia loquendi: Ego, inquit, hominem istum de patibulo liberaui, & ecce tam iniquum beneficium rependit mihi. Quem illi considerantes & cognoscentes, secundò eum plenè suspenderunt, & liberatus est sanguis innoxius.

CAPVT XXV.

Non est diu, quòd peregrinis quibusdam de Alemania ad limina sancti Iacobi tendentibus, & falsus eis frater nocte quadam se sociavit: manè exeuntibus de hospitio usque ad portam ciuitatis illos secutus, vni illorum manus iniecit, clamans sibi equum eundem ab eo ablatum: & compulsi sunt redire in hospitium à Iudice. Testificantibus peregrinis omnibus, quòd is, quem ille impetebat, esset vir simplex & bonus. Iudex prudenter agens, fure absente omnium equorum sellas & frena deponi, sicq; eos in stabulum duci precepit. Quo facto, dixit ad furem, iatra & educ equum tuum. Intrauit ille, & adduxit equum

quam foras, sed non tamen illum quem in porta sibi dixerat fuisse sublatum: non enim plenè tunc eum considerauerat. Tunc omnibus ridentibus, & cuius equus esset extractus iudici exponentibus, dolosus ille patibulo appensus est. Vides nunc qualiter Deus in simplicitate ambulantes protegat, & malè astutos puniat? **A P O L L O N I V S**: Recordor te superius dixisse, pœnam peccati esse a Deo. **CÆSARIVS**: Quòd a Deo sit omnis pœna peccati, testis est Amos Propheta, dicens: Si erit malum in ciuitate quod Dominus non fecerit? Item Dominus per Isaiam; Ego Dominus formans lucem, & creans tenebras; faciens pacè, & creans malum. Malum dicit pœnam & tribulationem, quæ patientibus videntur mala, licèt in se sint bona, utpote Dei creatura. Quòd autem a Deo sit peccati pœna, tibi exemplificabo.

CAPVT XXVI.

Bertolphus Palatinus de Witillimbach iudex erat *Pœnam* seuerissimus, ita ut furibus, etiam pro damno *peccati* *esse à* *Deo.* nius oboli, vitam auferret. Et sicut à quodam Abbate audiui, quoties exiuit, laqueos cingulo suo appendit, ne teorū pœna caperet dilationem. Die quadam mane surgens, & laqueum cingulo suo solito subnectens, huiusmodi vocem in aère audiuit: Bertolphe, quicumque tibi egresso de castro tuo primus occurrerit, hoc laqueo eum suspendas: qui vocem pro omine accipiens, mox ut egressus est, occurrit ei quidam Sculterus suus primò: quo viso, cum satis doleret, eo quòd hominem diligeret, dicebat illi: Doleo de occurso tuo. Cui ille respondit: Quare? Cui ille, Quia suspenderis. Et ille: Quare suspèdar? Respondente illi Palatino, Nescio, sed præpara te ad cōfessionē, & ordina de rebus tuis, quia voci diuinę resistere nō debeo. Ille vidēs aliter esse nō posse, ait: Iustus est Dominus, ego plures in domū meā declinātes insequēs occidi, multis sua rapui, nec tibi domino meo vnquā fidelis extiti, neq; pauperibus pepercii. Et mirati sunt omnes audientes eius confessionē, & cognouerunt in eius mortē peccati pœnā esse à Deo. Et quia idē Palatinus sine misericordia iudicauit,